

## Net Supply Group e busetsa sechabeng



Basebetsi ba Net Supply Group Pty Ltd

### Seithati Koetjje

#### MASERU

Khamphani ea Net Supply Group e nanabelitse letsoho sechabeng sa Ha-Tšosane ka ho thusa malapa a 183 a tlokotsing ka liphutheloana tsa lijo bekeng e fetileng.

Sepheo sa puseletso ena ke hore nakong ena ea Keresemese le mathoaso a selemo se secha ba tle ba be le seo ba se jang ka har'a malapa a bona.

Puisanong le leselinyana la **Lentsoe la Sechaba** Mookameli oa lichelete (Finance Administration Manager) Mofumahali 'Malerotholi Letsie o boletse ha K'hamphani ea Net Supply Group e thehiloe ka selemo sa 2013, e fana ka litšebeletso tsa motlakase le ho bona hore lithole li isoa moo li tlamehang ho ba teng (waste management) ele hore li se bakele sechaba se phelang tikolohong eo mafu.

Lerotholi a re ba sebelitse le sechaba sa tikoloho ea Ha-Tšosane koaring ka mofuthu, leha ho ile ho ba le liqholotso tšebetsong ea bona, a re ba leboha tšebetso eo sechaba sena se ba fileng eona. Letsie o bontšitse le ha ho bile thata nakong ena ea seoa sa kokoana-hloko ea Corona

ho likhoebotse tse ngata li hulang ka lithako tsa, 'me ba ile ba utloa ho hlokeha hore ba fe sechaba sa Ha-Tšosane limpho ele teboho ea tšebeliso e mofuthu eo ba bileng le eona.

"Ke batho ba re sebetsang le bona koaring, likhutsana, maqheku, bahlolohali ekasitana le batho ba tsoang malapeng a hlohang bao re ba fileng liphutheloana tsa lijo, sena re se etsa hobane sechaba sena se ile sa sebetsa le rona ka boitelo kaha nako eohle eo re neng re kopa thuso ba ne ba lula ba le malala-a-laotsoe ho ka re thusa ha re kopa thuso e joalo e keneletsang ho ka



Mookameli oa lichelete Mofumahali 'Malerotholi Letsie



Liphutheloana tsa lijo ho tsoa Net Supply Group Pty Ltd

## LMRA e theha selekane le Dihlabeng Driving School


### Seithati Koetjje

#### MASERU

Mokhatlo oa libini oa Lesotho (Lesotho Music Rights Association (LMRA)) o entse sekekane le Dihlabeng Driving School moo litho tsa mokhatlo li tlang ho fuoa litsebo tsa ho qhoba lipalangoang tse kholo ntle le tefo ea letho.

Mookameli oa Dihlabeng Driving School tikolohong ea Maseru Mofumahali Litšoanelo Seithleko o boletse ha ba kene lenyalong lena le LMRA hobane ba ne ba khutlisetsa sechabeng se amiloeng ke seoa sa kokoana-hloko ea Corona. O boletse ha bana ele mokhahlelo oa boraro kamor'a ho thusa likolo tse tharo tse phahameng seterekeng sa Mokhotlong 'moho le baqhobi le bathusi ba bona, ka hona ba bone ho le bohlokoa ho fetola bophelo ba libini hobane ele bona ba liehileng ho buleloa leha batho bohle litšebeletso tsa bona li butsoe.

Mookameli (president) oa LMRA Monghali Tšepang Nyakanyaka Makakole eena a re lenyalo la bona le Dihlabeng Driving School ke la nako e telele ho fihlela libini li se li tseba ho



Mohokahanyi oa SAAPA Monghali Mothobi Molefi

qhoba hantle. "Taba ena ea libini ke ea bohlokoa haboho kaha ha lia kotula letho ho tsoa mosebetsi oa tsona empa li senyeheloa haholo ha ba hlalisa 'mino," a rialo. Khahlanong le batho ba sebelisang 'mino ntle le tumello, Makakole o boletse hore ka Copyright order NO 13 ea 1989

le regulations ea 2015 motho aka ahlolea lilemo tse hlano kapa chelete e M12 500 ha a fumanoa a entsa tlole eo ea molao. A tiiselletsa kopa ea mehla ea libini tsa Lesotho ea hore ho ke ho khotlaetsoe hore 75% ea 'mino e letsoang ebe oa Basotho ha o tsoang kantele ho naha eba 25%.

tima mollo ka metsi ha ho tuka koaring," Lerotholi a hlalosa.

E mong oa baahi ba Ha-Tšosane Letsatseng Monghali Mahlomola Masoabi o lebohete sechaba sa habo ka limpho tse na tseo ba li amohetseng ho tsoa K'hamphani ea Net Supply Group. A re hona ke sesupo sa lerato leo ba nang le lona ho bona. O boletse hore K'hamphani eo ke ea pele ea ho khutlisetsa sechabeng kaha tse sebeliseng le bona pele li sa etsa ketso e joalo. O hlalositse ha ba sebelitse le mekonteraka e mengata empa e saka ea ba tlisetsa molemo ofe kapa ofe, a re o ba lakaletsa mahlohonolo, hore K'hamphani e hole, 'me e tsoele-pele ho etsa mesebetsi e metle.

Mokhethoa oa Lebatooa la Motimposo Mohlomphehi Thabang Mafojane le eena a thohletsa Net Supply Group Pty Ltd ka mosebetsi o motle. A re, "Le sebelitse kathata le sechaba nakong eo ba neng ba tima mollo o neng o tsoa koaring, le boemong boo seoa sa Covid-19 se ammeng sechaba K'hamphani e ile ea bona ho le molemo ho khutlisetsa sechabeng". Mafojane o boletse ha K'hamphani ene e phutha totli le ho e koahela kapele hore e se kulise sechaba se phelang tikolong ea Ha-Tšosane, ka hona a re o tla sebetsa ka matla hore K'hamphani eo e khutlele tšebetsong hape. A phethela ka ho ipiletsa ho sechaba sa lebatooa la habo ho ipaballa nakong ena ea matsatsi a keresemese hobane lefu la Covid-19 lea phela 'me le se le nkile maphele la batho ba bangata lefatšeng ka bophara.

O hlalositse ba tlo sebetsa le makala a amehang ho sireletsa 'mino oa libini tsa Lesotho.

Ha a bua moeking ea baphatlalatsi, Raliphatlalatsi oa Mokhatlo oa LMRA Monghali Ramosa Bosiu o hlalositse ha molemo oo ba tla o fuoa ke Dihlabeng Driving School o tla unoa ke litho tsa mokhatlo le ba haufi le tsona. Bosiu o boetse a supa ha ba le motlotlo ele libini kaha litsebo tse na li tla tisa ntlafalo e kholo maphe-long a bona ka kakaretso. A re le ha ho le joalo, qholotso e kholo eo ba kopanang le eona ke tšebeliso e mpe ea 'mino oa bona. "Mokhatlo ona o loanela litokelo tsa libini le ho li sireletsa khahlanong le bohle ba sebelisang 'mino le litšoantšo (music videos) tsa bona hantle," a rialo Bosiu a hlalosa sepheo sa mantlha sa LMRA.

Ha a tsoelapele Bosiu o elelitse hore beng ba matlapa (CDs) a iketselitsoeng a manehoa mapatlelong, beng ba likhoebotse tsa marangrang (internet cafes), limpimpana (flashes) le lifono 'moho le tseng ling tse ngata, ba emise ho inkelela 'mino oa libini ntle le tumello ea tsona kaha batla nkeloa likhato. A re ha feela boemo boo bo ntse ho tsoela-pele ba tla nka khikhitha beng ba liketso tse joalo ka tšebeliso 'moho le makhatla a molao.